

洞
天
奧
旨

洞天奧旨卷之六

山陰陳士鐸敬之甫號遠公著 曾孫

會稽陶式玉尚自甫號存齋 孫增方湖泗長校

胸乳上發

胸乳上發者發于或中神藏靈虛等穴也其穴俱屬足少陰腎經其症多心懸若飢飢不欲食舌乾咽腫乃心熱而不能下交于腎以致腎經之氣遏抑于外故生癰瘍于胸乳之上偏也有生于左者有生于右者甚則左右俱生皆

腎水不能濟心火也必須大補其水而佐之內疎心火之藥則水生而火毒易散也倘不早治則毒攻于心去生便遠矣

十州散 巫真君傳治胸乳上生癰

人參 二錢 熟地 二兩 山茱萸 三錢 生甘草 二錢

遠志 二錢 麥冬 一兩 金銀花 一兩 茯神 三錢

黃連 一錢 蒲公英 四錢 水五碗煎服八分連服數劑

自散

柑仁散 治婦人裡外吹乳

柑子核一歲一粒陰陽瓦焙乾枯爲末陳酒熱送下卽蓋被出

汗而愈

胸發

胸發者發于玉堂膺中中庭鳩尾之四穴也又有發于胸者名曰井疽此症初起如豆肉色不變必須早治若不早治下入于腹必至死矣屬任脉之經絡四穴在心之外郭凡邪不可犯心一犯心輒死夫臙腑邪遠苟若犯心尚有下堂之走豈四穴逼近心君而反得逍遙無慮乎自然直入臙中亦勢之甚便而甚利也卽曰經絡專屬任脈然任

脈名陰脈之海周流諸陰循環無已一有癰毒則陰不能
行况未生癰之前亦因陰脈不行而火毒乃結聚不散以
致成癰矧既已生癰又何望其周流諸陰而無滯耶自然
滯者益滯而結者益結矣苟不速爲星散則火毒歸心死
亡頃刻

救心敗邪湯 巫彭眞君傳治正胸生疽

人參 一兩 茯苓 五錢 麥冬 五錢 熟地 一兩

山藥 一兩 芡實 一兩 甘菊花 五錢 芍藥 五錢

忍冬藤 二兩 遠志 三錢 天花粉 二錢 王不留行 三錢 水數

碗煎一碗一氣飲之火毒不結而散矣二劑必愈
倘已潰爛必須多服始愈

額發

額發者發于額上攢竹之穴也夫曲差攢竹雖屬太陽之
經然近于督脈之旁亦陰陽雙合之處也初發之時必然
頭痛憎寒惡熱項似拔腰如折正顯太陽之症然太陽勝
胱與少陰腎經爲表裏之臟腑也發太陽之火卽顧少陰
之水則勝胱不燥內有滋潤自易發汗汗出而火毒隨之
而盡散于表矣否則單以托表爲事倘陰虛之人禁再發

其汗乎吾恐因汗而愈虛反不肯遽消其火毒耳

藤葛散

巫彭真君傳治額上生癰

忍冬藤

二兩

麻黃

一錢

扶神

三錢

香附子

二錢

白芷

二錢

當歸

一兩

川芎

一兩

蒲公英

五錢

乾葛

三錢

天花粉

三錢

水數碗煎一碗食後服初發

者二劑卽散如陰虛之人此方不可用另用轉敗

湯

兩脇雙發

脇發者發于期門章門之穴也古名敗疵謂是女之疾其

實男女皆有之或發于左或發于右此足厥陰肝經之部位也然亦有上至淵液輟筋之穴者雖二穴屬足少陽膽經然肝膽爲表裏肝病必及膽故不可舍肝而治膽也夫膽多氣少血肝多血少氣總宜氣血雙補決不可猛浪用熱劑也天下人惱怒居多一有拂抑便卽動氣兩脇脹滿因而成癰癰生于皮外者猶癰之輕者也更有生于脇之內者夫脇內生癰古人未談世多不信誰知脇痛而手不可按者肝葉生癰也肝之生癰半成于氣惱半成于憂鬱憂鬱而得之者其病緩氣惱而得之者其病驟憂鬱氣惱

皆能燥乾肝血肝血既乾則肝血大燥無血養肝而憂鬱
氣惱之無已欲不蘊結憤悵而成癱烏可得乎但癱生于
內不可見也而外則可徵其脇之外必現紅紫之色而痛
亦必在左而不在右其舌必現青色世有脇痛數日輒死
者正因生癱毒敗而死治之法以平肝爲主而佐之瀉火
去毒之味萬勿因循時日令其內潰而始救之卒至于無
功也有脇下生疽者在于京門帶膚之穴間痛癢徹心如
針刺之痛漸潰至臍者死初腫脇不能轉動而疔百節骨
痛痛則連心又名傳心疽治法亦照治脇癱治之

化肝消毒湯 岐公傳治兩脇脹滿發寒發熱痛極

生癰

白芍 三兩

當歸 三兩

炒梔子 五錢

生甘草 二錢

金銀花 五兩

水煎服十劑愈

錦草湯 伯高太師傳治脇上生癰并治肝癰

白芍 一兩

當歸 一兩

炒梔子 三錢

生甘草 五錢

綿地羅 一兩

水煎服數劑愈

宣鬱化毒湯 岐公傳治脾鬱生脇癰

柴胡 二錢

白芍 一兩

香附 二錢

薄荷 二錢

當歸 一兩 陳皮 一錢 枳殼 一錢 天花粉 二錢

生甘草 三錢 金銀花 一兩 水煎服十劑愈

金銀平怒散 伯高真君傳治脇痛生癰

金銀花 二兩 白芍 五錢 當歸 一兩 柴胡 一錢

白芥子 三錢 生甘草 三錢 炒梔子 三錢 丹皮 三錢 水煎服

一劑即消二劑全痊

流注發

流注發者即子母之發也先發于背後流串散走于四肢或來或去無有一定之部位此等瘡瘍多是陽症蓋風熱

之毒也如母之生子輾轉靡已本是太陽風熱所生倘能直攻太陽用夫風去火之劑而兼散其毒何至流串于四肢乎惟其因循失治或治之不得法使餘毒未淨邪氣逆傳于脾流于髀臂手足遂成不可療也

攻邪過流湯 巫彭真君傳治子母流注瘡毒

升麻 一錢
當歸 五錢
黃芩 二錢
栝蒌 二錢

金銀花 一兩
炙甘草 二錢
連翹 三錢
秦艽 二錢

蒼耳 一錢
馬蘭根 一錢
牽牛 一錢
水三碗

煎八分半飢服數劑自愈

環項發

環項發者發于頸也環頸圍項無一空隙地完膚甚則癰
大赤黑俗名落頭癰靈樞所言天疽也必須急瀉其火蓋
頭頸乃手足少陽經穴而又足陽明之經穴也不急瀉三
經之火則火束于頸項咽喉之間其熱不能急散則熱毒
必下走淵液將從外以入內也及至入內則前傷任督內
熏肺肝發熱發寒拘倦悶亂恐怖不食有至十餘日而即
死者可不慎乎故必須及早治之也

釋項飲

巫彭真君傳治環項生癰瘡

白芷 一錢 葛根 一錢 柴胡 一錢 川芎 三錢

桔梗 三錢 生甘草 二錢 山豆根 一錢 麥冬 三錢

天冬 三錢 紫蘇 一錢 五分 紫花地丁 五錢 天花粉 三錢

蒲公英 五錢 水數碗煎一碗服初發者用數劑卽散

必須此方早治爲妙

腎陰發

腎陰發者發于腎囊乃生于囊之下糞門谷道之前乃任督脈所起之處也俗名囊癰若生于陰囊左右橫骨陰廉之穴者則名便毒便毒易治而囊癰最難治也以囊之下

皮肉與他處迥別蓋他處皮肉或橫生或直行俱易生肌
惟懸癰之處橫肉中有直理也直理中有橫紋也最艱合
口一有損傷不易收功此處生癰雖因濕熱然皆貪色好
酒以成之也夫貪酒好色亦人之常也節飲戒色安在不
可收功乎不知腎囊乃衝任脈所會之處又諸筋所聚之
處也其囊空虛最易凝聚氣血故易腫易大所以艱于收
功耳症重者多胞腐有腐爛而止存辜丸亦有俱腐落而
不死者以用藥調理之善也方用逐邪至神丹最奇已未
潰俱可用若八仙丹雖亦神奇然止可用之于囊癰未潰

之前而不可施之已潰之後也

逐邪至神丹 治便毒初起或左或右并治囊癰

金銀花

四兩

蒲公英

二兩

人參

一兩

當歸

二兩

生甘草

一兩

大黃

五錢

天花粉

二錢

水煎服一劑即消

二劑全愈

八仙丹 治囊癰

大黃

二錢

金銀花

四兩

當歸尾

一兩

玄參

二兩

柴胡

三錢

炒梔子

三錢

黃柏

三錢

貝母

三錢

水煎服

一劑輕二劑全愈若已出毒此方不可用矣

張真人傳治便毒方

大黃 一兩

當歸 一兩

金銀花 二兩

蒲公英 一兩

水五碗

煎八分空腹服一劑卽消

鬼真君傳治疔馬瘰初起神效

金銀花

八兩煎水
二碗入

大黃 一兩

車前子

五錢

當歸 一兩

牛膝

三錢

地榆

五錢

生甘草

五錢

煎半碗

空腹服之服卽睡睡醒病如失不睡熟亦不妨過

一日微瀉而愈奇法也忌房事一月

對臍發

對臍緩者發于背下命門之穴也命門之穴正與臍對夫
命門爲十二經之主宰主宰不明則十二官危矣况生癱
疽則命門之中無非邪火又安有生機哉不知命門之中
原藏眞火眞火衰而後邪火之毒始得留于內矣然眞火
喜居穴中而邪火喜發穴外命門之外生癰疽正邪火外
出也治之得法轉有生機不比腎俞之生毒也雖然邪火
雖出于外面眞火非水以養之則正火益虛邪火未必不
出于外者仍入于內况邪火熾盛亦須以水折之非大補
眞水則邪火不散邪火不散則毒亦難消况命門之穴又

督脈之經也督脈亦非得腎水則河車路斷不通真火反助邪火矣亦看五善七惡審症而照前論以治之也倘出血流清水心神恍惚睡中見鬼譫語大發渴者俱無真水之惡症也難于治療耳

散火援命湯 巫彭真君傳治命門生疽

金銀花

五兩

稀莖

五錢

熟地

一兩

白朮

一兩

黃栢

三錢

車前子

三錢

水十碗先煎金銀花取水四

碗先將二碗汁煎前藥一碗空腹飲之少頃再將

前汁二碗又煎藥渣煎水一碗再服一連二服如

治初發之疽卽毒散而愈倘已潰敗流清水此方不可復用改煎

援命救絕湯 巫彭真君傳治命門潰癰

人參 三兩 白朮 四兩 肉桂 三錢 附子 一錢

山茱萸 一兩 北五味 三錢 金銀花 三兩 茯神 三錢 水十碗

煎汁一碗服之變善則生變惡則死

尻發

尻發者靈樞名曰銳疽其狀赤堅發于尾間之間也此穴乃督脈之經穴夫尻乃足太陽之部分夫腎與膀胱爲水

臟水府腎爲陰而主骨腑爲陽而太陽之氣主于膚表此處生疽雖是太陽膀胱之火毒起發于外亦緣少陰水氣虛耗不能制之于內也不能制火而督脈之路乾燥故火昇于尾閭而水不能由尾閭而上旣放生銳疽銳者言其火毒之甚猛也癩最難忍癩于得膿正無水之驗也宜大補腎水而加托裡之藥少益之乳香沒藥以排膿止痛庶幾有瘳乎至于氣惱色慾尤宜戒絕苟一犯之輕則成漏重則喪亡可不慎哉

制穴潤尻散

巫彭真君傳治尻上銳疽

金銀花

二兩

玄參

二兩

苦參

五錢

生甘草

三錢

熟地

八錢

山茱萸

三錢

白芥子

三錢

茯苓

三錢

乳香

一錢

沒藥

一錢

水煎服

手背發

附手心發

手背發者發于中渚液門之二穴也二穴乃手少陽三焦經之脈三焦無腑之形而經脈實有形也其脈起于關冲而中渚液門即關冲之第二穴與第三穴也是三焦既無腑而脈即其府也此處生疽即近于腑之謂也故亦至重况手少陽又多氣少血之府無血以化膿往往陽變為陰

初起之時令人憎寒發熱及變陰時或作嘔吐則可危矣
瀕審五善七惡以定吉凶治法詳照篇中之論治之至發
于手心者乃發于勞宮之間也其經屬包絡初發時紅腫
高突變成一疽疼痛非常晝夜無間俗名擊疽也多是冤
孽相尋然亦因素有火熱蘊毒于中乘機而竊發也然火
盛由于水衰不大料滋水惟小劑滅火未易救療用釋擊
湯蕊珠湯重劑煎飲則未潰者自消已潰者自生肌而愈
蕊珠湯 伯高太師傳治手背生疽

熟地

兩

生地

兩

麥冬

一兩

甘菊花

一兩

兩

金銀花一兩四碗水煎一碗服連服四劑未潰者自

消已潰者亦生肌而愈

釋擎湯 岐伯天師傳治手心生擎疽

玄參 二兩 生地 一兩 金銀花 二兩 當歸 一兩

紫花地丁 五錢 貝母 二錢 水數碗煎八分服渣再煎服

一劑輕二劑痛止已潰者再服四劑未潰者再服

一劑無不全愈

足背發 附足心發

足背發者發于衡陽陷谷內廷之間乃足陽明胃經之穴

也論胃經乃多氣多血之府疽生胃經似乎少輕然衝陽
陷谷內廷乃足陽明經穴發仍之始其氣血尚未旺也况
穴又在足之下而尚未升于身之上府爲氣血之多而經
穴中之氣血未可以多言也故此處生疽不可以多氣多
血論而任用敗毒攻火之藥也初發之時令人發熱作嘔
痛癢麻木俱宜照前論治之大約于補之中以行其散之
功則得耳又云足背者卽足跗也足跟生疽又名兔囓屬
足太陽車脈陰陽二蹻發源之所皆由臟腑積熱也又足
心發毒者名穿枚疽由于腎虛以補腎爲要

青紫飲 巫彭真君傳治足背生癰疽疼痛高突

牛膝 三錢 青蒿 三錢 紫花地丁 一兩 玄參 五錢

薔薇根 五錢 當歸 五錢 炙甘草 二錢 茯苓 二錢 水三碗

煎一碗空腹連服數劑必消此方初起已潰俱效

肺癰肺痿

肺癰者癰生于肺葉也其初起之時胸膈必痛咳嗽之時更加痛極手按之處更增氣急其脈緊數此肺癰將潰也咽喉之間先自聞腥臭之氣隨吐膿血其脈但數而不緊此肺癰已潰也夫未潰者易消已潰者難療然治之得法

亦有生者大約肺之生癰由于肺中有火而火成于肺氣之虛也治之法烏可舍補肺而別求方法乎然肺乃嬌嫩藥食之所不受者也肺不能直補其氣補胃土之氣則肺金之氣自旺雖火盛則毒生火盛則毒亦盛似未可竟置瀉火瀉毒之味然不補肺氣則肺金氣怯而火毒更不易散也於補氣之中而行其攻散之法則正氣無傷而火毒自難存留也方用全肺湯內消不令其毒結此治未潰前之良法也用完肺散補胃以益肺而急救其敗壞此治已潰後之神方也至于消風散太乙膏皆可同治然總不若

全肺完肺二藥之更神也

更有久嗽之後肺管損傷皮膚黃瘦毛悴色焦咽隘雌啞
自汗盜汗眠臥不得口吐稠痰腥臭難聞必忍氣湏臾輕
輕吐出倘少重必大痛不已氣息奄奄全無振興之氣此
肺痿生瘡非同肺癰也肺癰生于火毒治宜速肺痿生于
勞傷治宜緩火毒宜補中用瀉勞傷宜補中帶清故治肺
癰宜大劑治肺痿宜小劑如養肺湯延生湯最妙可選擇
而用之也外有生疽于胸之上者乃紫宮玉堂之穴也屬
于任脈不比生于肺內然陽症易治陰症亦有死者治法

又不可單治肺經常合腎與肺共治之蓋任脈非腎水相滋則火不肯散而毒不易消也肺癰生于肺之上多不可救按吐痰必疼痛欲死胃癰亦不可救按但吐痰轉覺少寬惟重服散火解毒湯可救也

全肺湯 岐天師傳治肺癰

玄參 三兩

生甘草

五錢

金銀花

五兩

天花粉

三錢

茯苓 三錢

白芍 三錢

三錢

麥冬 二兩

二兩

水煎服一劑痛減

再劑內消

完肺散 岐天師傳

人參 一兩 玄參 二兩 蒲公英 五錢 金銀花 二兩

天花粉 三錢 生甘草 三錢 桔梗 三錢 黃芩 一錢 一劑膿

必多二劑後膿少十劑膿血止又六劑全愈

地羅柑桔玄冬湯 伯高太師傳治肺癰胸膈作痛

咳嗽尤痛手按氣急

玄參 二兩 麥冬 二兩 錦地羅 一兩 生甘草 一兩

桔梗 五錢 貝母 五錢 水煎服一劑消半二三劑全

愈

養肺去痰丹 岐天師傳治肺痿久嗽皮膚黃瘦毛

梓色焦鬲上作痛氣息奄奄

金銀花

三錢

生甘草

五分

生地

一錢

麥冬

三錢

紫苑

五分

百部

五分

百合

二錢

款冬花

三分

貝母

三分

白微

三分

水煎服服二十劑而膈上痛

少輕者便有生機再服二十劑更輕服五十劑全

愈

清金消毒湯

岐天師傳治肺經癰瘍

玄參

一兩

生甘草

一兩

金銀花

八兩

當歸

二兩

麥冬

一兩

白芍

三錢

水煎服二劑愈

玄天散 南陽張真君傳治同前

玄參 八兩

天門冬

四兩

桔梗

二兩

炙甘草

一兩

水十五

碗煎二碗再用蒲公英

五錢

金銀花

五錢

飽食後

服之初起者卽消日久者卽化毒生肌凡人生肺
癰者初起之時咳而兩脇疼痛者是卽宜速用此

方神效

腸癰

腸癰者癰生于大小腸也其症口渴小便如淋時時汗出
小腹痛一定而不移手皆不可按惡寒身皮錯腹皮急如

腫此癰生于大小腸所同然也吾何以辨之乎屈右足者
大腸癰也屈左足者小腸癰也世謂大腸之癰易治小腸
之癰難醫然而大腸之癰可瀉其火從糟粕而出小腸之
癰可瀉其火從溲溺而泄也雖然大小腸生癰亦有不屈
足者蓋生于腸內者必屈其足而生于腸外者皆不屈足
也痛在左而左中不移小腸生癰也痛在右而右不移大
腸生癰也以此辨症斷斷不爽惟是腸内生癰可聽其潰
破而腸外生癰必不可使之潰破者以腸外無可出之路
一潰破出膿膿將何往毒留腹無不死者故治法必須

惡清之膏不可因循失治至潰破而始治之以喪人性命耳

瀉腸湯 治大腸生癰手不可按石足屈而不伸

金銀花

三兩

當歸

二兩

地榆

一兩

麥冬

一兩

玄參

一兩

生甘草

三錢

薏仁

五錢

黃芩

二錢

水煎服

四劑全消

開胃救亡湯 治大腸生癰石足不伸腹痛便膿血

肛門如刀之割此腸潰也

人參

一兩

金銀花

二兩

山藥

一兩

生甘草

三錢

薏仁 一兩
玄參 一兩
白朮 一兩
山羊血 一兩
研末 一錢
水煎

調服十劑愈

泄瀉至神湯 治小腸生癰左足不伸痛不可忍

金銀花 一兩
茯苓 一兩
薏仁 一兩
生甘草 三錢

車前子 三錢
劉寄奴 三錢
澤瀉 三錢
肉桂 一分
水煎服

六劑愈

丙化丹 治小腸生癰足不屈而痛在左不可手按

金銀花 四兩
當歸 二兩
車前子 五錢
生甘草 三錢

茯苓 一兩
薏仁 一兩
水煎服十劑愈

三真湯 仲景張真君傳治大小腸癰俱神效

地榆 一斤 水十碗煎三碗再用生甘草二兩

金銀花 兩 同煎一碗服一劑服完則消不瀆兩服

也

救腸敗毒至聖丹 岐天師傳治大小腸癰

金銀花 八兩 煎水二碗當歸 三兩 地榆 一兩

薏仁 五錢 水十餘碗煎二碗同金銀花分作二服

上午一服臨睡一服二劑愈腸癰必瀆內消而火

邪甚急而甚大非杯水可救必須大劑始效然大

劑敗毒恐傷元氣惟金銀花敗毒而又補陰故可重用也若少少用之反無效矣

花草湯 雷真君傳治癰疽初起

生甘草

五錢

金銀花

三兩

當歸

一兩

玄參

五錢

天花粉

三錢

白礬

一錢

附子

一片

水煎服初起者一

劑卽消腫起者二劑卽消

又方 孫真君方治背癰初起兼治各癰

白礬

一兩

金銀花

三兩

水煎服

一劑卽消

醫癰

醫之上乃足太陽膀胱之所屬也本經多血少氣而醫上
尤氣之難周到者也故不生癱則已一生癱則肉必大疼
以氣少不及運動耳故初起卽宜用補氣以生血而佐之
化毒去火之品癱自易散倘不補其氣而專攻火毒則氣
虛而血耗火毒難去而肌肉內空轉難收口也倘癱少向
脛骨之間近于蹠踵承扶之穴者又足少陽之部位也足
少陽爲少血多氣之府似與足太陽相反然補中用攻則
二經相同兼補氣血而佐之化毒去火未嘗不共建奇功
也

木連散癱湯 巫真君傳治發癱神效

生黃芪

錢五

當歸

錢五

木連

三錢

稀茶

一錢

蒼耳子

錢一

紫花地丁

錢五

生地

錢三

玄參

錢三

牽牛

錢一

柴胡

錢一

赤芍

錢二

水煎服

服二劑即

散如已潰者此方不可服照背瀉方法治之

洞天奧旨卷之七

山崎陳士輝敬之前號遼公著
曾孫陳鳳輝羽儀甫梓

會稽周式玉尚白甫號存齋評
玄孫增方溯河民校

骨痲

癱生之後其口不收腐爛之中忽長一骨疼痛難熬俗以爲多骨癰也誰知乃濕熱之毒所化乎夫多骨之癰隨處能生不止長強之穴也其先起于過飧水果生冷之物其終成于因循失治使濕蒸而添熱熱盛而化骨往往有一

二年而不愈常落骨一片或一細骨或有蛀蝕之眼或三五月落骨一片以鉄鉄取出而口仍不生肉已而又生骨終朝吁號望其痊可杳無期也此其故何歟蓋徒知外治而不知內治也外治難化而內治易化者以多骨之瘰疽無形之所化也非肉中真有骨在乃似骨而非骨耳眞骨非內治可化似骨而非骨內治又何難化乎內用五神湯或九轉神丹利其濕熱而又不耗其氣血不必化骨而骨自化倘必欲奏功甚速外用飛過密陀僧桐油調膏攤貼亦相得益彰而取效尤捷也

五神湯 統治多骨癢

茯苓 一兩 車前子 一兩 金銀花 三兩 牛膝 五錢

紫花地丁 一兩 水煎服六劑骨消再服十劑愈

九轉神丹 治多骨癢

白礬 二錢 茯苓 一兩 車前子 五錢 黃柏 三錢

紫花地丁 五錢 連翹 三錢 牛蒡子 三錢 穿山甲 一錢

葶藶 五錢 水煎服四劑骨消再用加四君子湯調

理

加味四君子湯

人參 五錢

茯苓 一兩

生甘草 二錢

金銀花 一兩

牛膝 五錢

炒白朮 一兩

水煎服以瘡口生滿日爲度

腰癱

腰癱者發于軟肋下近腰帶脈乃玉樞維道之穴也屬足少陽之經初發之時疼痛呼號似乎陽症然而腰腎乃至陰之地未可作陽症治之此症本生于過忍其精欲泄不泄以釀成火毒似乎純陰之症也但火發毒成則陰中有陽矣未可以純陰法治之法宜陰陽並治爲佳倘不補陰而單治火毒則腎氣愈傷而火毒難化卽補陰而不補陽

則後無陽不生火毒且深藏于腎宮而不得外泄矣惟合
補陰陽庶免偏勝之虞而有解紛之妙也

兩治湯 治腰腿生疽疼痛呼號母論陽症陰症俱
神效

白朮 一兩

杜仲 一兩

當歸 一兩

金銀花 三

兩

防已 一錢

藜蘆草 三

錢

水煎服

九靈湯 治腦癱

熟地 二兩

山茱萸 一

兩

白朮 二兩

防已 一錢

錢

紫花地丁 一

兩 荆芥 炒

三錢

黑生地 五

錢

丹皮 五錢

錢

生甘草

三錢

水煎服一

劑輕四劑全愈

臂癱

兩臂生癱乃肩貞臑俞之穴也其經屬手太陽小腸似非陰之部位較頸對口背上少輕然治之不得法亦能殺人故亦宜辨其陰陽也痛而高突者陽也痿而平頗者陰也陽用三星湯陰用清瘰還陽湯不可謂手足非腹心之疾但有陽症而無陰症也手主動動處而生陰疽則動變爲靜矣動變爲靜卽陽趨于陰矣陽趨于陰非生近于死乎雖內經云汗之則瘡止手臂生癱似可發汗使毒從汗出

而散也然陽痿可以汗散而陰痿必須補散也故吾特表而出之

消癰還陽丹 治兩臂生癰變成陰疽

人參 三錢 白朮 一兩 甘草 三錢 天花粉 三錢

生黃芪 一兩 金銀花 二兩 肉桂 一錢 當歸 五錢

乳香末 一錢 水煎調服 一劑癰變痛二劑痛如失三

劑全消

轉功湯 治臂癰

黃芪 二兩 當歸 一兩 生甘草 三錢 肉桂 二錢

白朮 一兩 遠志 五錢

紫花地丁 五錢 貝母 三錢 水煎服

一劑而瘡口反痛二劑而痛輕三劑長肉又用二

劑全愈

膝癢

膝之上不能生癰膝癰者生于膝之內外也膝之內外經
穴各別膝外生癰者乃陽關陽陵泉之穴也是足少陽膽
經之部位名曰托疽膝内生癰者乃血海陰陵泉之穴也
是足太陰脾經之部位也二經雖分而多氣少血則彼此
同之總以補血爲主而佐之補氣以敗毒則血旺而毒易

散也倘一味瀉火反傷氣血何能建功收口乎蓋膝乃至
動之處又骨節之樞紐也氣血旺而後能行動可置氣血
于不治乎吾所以慙慙致戒也大約腫焮作痛半月有膿
黃白者可治不痛或出鮮血者死出膿青黑及長出頭漸
多者或無定處者不治

全生散 治膝癰不論內外神效

生黃芪

四錢

當歸

一兩

金銀花

一兩

茯苓

三錢

薏仁

五錢

牛膝

三錢

地榆

一錢

白朮

三錢

萹蘇

三錢

天南星

一錢

生地黄

五錢

水數碗煎一碗空

腹服之不論已潰未潰俱效倘是陰症本方加肉桂一錢去地榆多加熟地

腋癰

附馬刀挾膠

腋癰者發于腋下天池之穴也天池屬手厥陰心包絡是經多血少氣此處發生癰疽令人寒熱大痛掌熱臂急而赤俗名挾癰以手臂挾癰毒而稱之也靈樞謂堅赤者名曰米疽可淺刺之使火毒之外泄也以其火毒之氣不深在于皮膚之間故可外刺之而瘥也若因循養癰其勢日大恐火毒入臟必至難治入臟者入于肝脾之二經也肝

經血滯脾經氣凝非補氣血而佐之內疎外托之味未易
奏功耳若堅而不潰者爲馬刀扶纓亦須急治則毒能消
化否則年深日久一發而不可療也

金錢鼠粘湯 巫彭真君傳治腋癰挾瘰效甚

黍粘子

一錢

黃連

二錢

當歸

一兩

生甘草

三錢

天花粉

三錢

柴胡

一錢五分

連翹

二錢

紅花

一錢

玄參

三錢

白芍

三錢

金銀花

一兩

水煎服初起之時

二劑全消無令其日久潰敗也若已潰敗此方不
可服當看陰陽治之

消堅湯 巫彭真君傳治馬刀挾纓瘡

當歸 五錢

白芍 五錢

金銀花 五錢

蒲公英 五錢

柴胡 二錢

天花粉 三錢

炙甘草 一錢

全蝎 三個

研末

桔梗 一錢

鼠粘子 一錢

水煎汁一碗

調全蝎末服

十劑自消如尚未破四服可消如日久未破本方

加附子 三分 連服數劑亦消

乳癰

乳腫最大者名曰乳發腫而差小者名曰乳癰初發之時
卽有瘡頭名曰乳疔以上三症皆令人增寒壯熱惡心作

爲正虛然補中散邪實乃萬全之道也按乳房屬足陽明胃經乳頭屬足厥陰肝經况生乳癰則陽明之經未必能多氣多血厥陰之經未必不少氣血也不補二經之氣血乳癰斷不能痊不可謂是陽而非陰一味止消火毒致肌不能生筋不能續耳

和乳湯 治乳上生癰初起發寒熱先痛後腫

貝母 三錢 天花粉 三錢 蒲公英 一兩 當歸 一兩

生甘草 錢 穿山甲 一片 煎服一劑卽消

消化湯 治乳房作痛生癰

金銀花 二兩 紫貝天葵 五錢 天花粉 三錢 當歸 一兩

生甘草 三錢 通草 一錢 水煎服一劑卽消

化岩湯 治乳癰已愈因不慎房事復行潰爛變成
乳岩現成無數小瘡口似管非管如漏非漏狀若蜂
窠肉向外生等症

人參 一兩 白朮 二兩 黃芪 一兩 當歸 一兩

忍冬藤 一兩 茜根 二錢 白芥子 二錢 茯苓 三錢 水煎服

四劑肉生膿盡十劑全愈

箕門癰

箕門癰生在大腿股內衝門穴之下血海穴之上也此處
屬足太陰脾經乃濕熱之毒所生是經多氣少血宜內托
黃連柴胡湯加蒼朮防已等味治之外宜敷貼隨症施治
無難奏功若不慎疾一犯房勞則變爲陰毒便宜溫補法
療之耳若生于箕門穴之上乃衝門穴也名曰勇疽赤腫
作硬八日得潰可刺如膿黃白色者乃陽疽也可治其瘡
孔如雞子大者俗稱魚口有單有雙年久不收口是陽變
陰矣非大補不可

蒲柴飲 聖眞君傳治箕門癰疽神效

柴胡 二錢 丹皮 三錢 蒼朮 二錢 茯苓 三錢

白朮 五錢 白芍藥 五錢 蒲公英 五錢 天花粉 三錢

遠志 一錢 黃芩 一錢 水煎服三劑卽消若已潰者

去黃芩加黃芪 五錢 當歸 五錢 治之亦神效

眉疽

眉疽生于眉間在陽白二穴之分從眉至額赤腫焮高陽白本屬膽經然膽與肝爲表裏膽病而肝亦病未有膽藏火毒而不遺害于肝者也膽經多氣少血肝經多血少氣二經有火毒必燥乾氣血故宜氣血兼治也堅硬如石者

可刺刺之無膿黃水自出痛甚悶亂吐逆者陽毒兼陰也
治之漸減者生甚者死女子七日卽死男子二十四日死
又曰眉疽或生于兩眉左右或生于眉心卽攻入眼或下
入太陽屬足太陽膀胱之經然專屬肝膽爲是最忌無膿
吐逆也

肝膽兩摠湯 巫彭真君傳治眉疽神效

龍膽草

二錢

柴胡

一錢

當歸

五錢

金銀花

二兩

炙甘草

二錢

甘菊

二錢

半夏

一錢五分

白芍

五錢

丹皮

三錢

黃葵花

一錢五分

白蒺藜

二錢

水煎服一生

肩疽速治數劑卽消久則無效矣

蠹疽

蠹疽者疽生于缺盆之穴也缺盆屬足陽明胃經也胃乃多血多氣之府缺盆生疽陽症居多苟不愼疾不戒惱怒不斷房勞必變陰症不可信爲陽症而妄用消火敗毒之藥也俗名歷發疽十日可刺刺之有膿者陽疽也刺之無膿者陰疽也俗稱之曰石疽言其如石之堅刺之不應也更有一頭未已再生四五頭子母大小不等又名歷瘡其勢雖輕其毒更重生至心者死倘有白膿赤腫瘡不黑陷

飲食知味者生治法總不外補以化毒也

消蠱湯 巫彭真君傳治蠱疽

金銀花

一兩

蒲公英

五錢

人參

一錢

生甘草

三錢

玄參

五錢

青蒿

五錢

天花粉

三錢

葛根

一錢

錢

生地

三錢

水煎一碗服起者二劑即消斷宜斷

愈成怒否則禍生不測

手足指疔

附脫疽

手足指生瘡有生于指尖之旁也名曰殺疽有生于手足指上者名曰伏鼠疽大約高腫而痛乃陽症平腫而癢

乃陰症也陽症必有膿陰症必無膿也有膿者刺之而愈
無膿者刺之而轉重也無膿而色紅者生無膿而黑色者
死正不必黑過節也有一種黑過節者生在手足之指上
名曰脫疽言必須去其指也此症多得之膏梁之客而又
用丹石毒藥之藥或噙舌下或納臍中或塗陰戶或搽陽
器淫火猖狂燥乾骨髓日積月累乃發爲此疽夫脚乃四
餘之末宜毒之所不至誰知毒所不到之處而毒聚不散
出于指甲之間其毒更凶較尋常之處尤甚十倍也然則
治之法必以割去其指爲上乎而亦不盡然也人身氣血

周流于下，則毒氣斷不聚結于一處。火毒聚于一處者，亦乘氣血之虧也。脫疽之生，蓋四餘之末，氣血不能周到也。非虛而何？大補氣血益之，瀉毒之品，往往奏功如响。何必割指始能存活乎？諸方既無痛楚之傷，而又獲生全之妙，願人信心用之耳。

消濕散火湯 巫彭真君傳治教疽鼠伏疽陽症神效

生甘草 二錢
地榆 二錢
扶苓 三錢
藍汁 二錢如

青黛 二錢
代之馬齒莧 三錢
紅花 二錢
蒲公英 五錢

無汁用

白朮

三錢

天花粉

三錢

車前子

三錢

薏仁

五錢

水煎汁

一碗服卽消陰疽陽疽俱可治

腫步湯

岐天師傳治脫疽脚指頭忽先發癢已而

作痛指甲現黑第二三日連脚俱青黑者黑至脚上

過脛卽死急服此方可救

牛膝

一兩

金釵石斛

一兩

金銀花

三兩

人參

三錢

黃芪

一兩

當歸

一兩

水數碗煎服一劑

面黑卽解二劑而疼痛止三劑全愈若已潰爛多

膿數劑亦可救

六丁飲 伯高太師真君傳治脚趾生疽

紫花地丁 一兩 甘菊花 一兩 生甘草 五錢

牛膝 二兩 天花粉 三錢 水煎服二劑全愈若已破

爛多服爲妙

筋疽癩疽疔瘡

筋疽生于兩足後跟乃崑崙之穴也癩疽生于足小指後
乃京骨金門之穴也生于崑崙之後又名足疽皆屬足太
陽膀胱之經是經多血少氣癩疽五六日得潰有膿黃白
色不多者安如黑色癩甚者難治以其變陰也筋疽初起

三五日如蟲蝕過久則生蟲經年不癒一名曲疽又名冷
疽皆陰瘡也川大補氣血之藥益之去濕化毒之品亦有
生者然不能責其近功也足疽又名嘴疽如初起赤腫有
頭可刺乃陽疽也刺之有膿黃白者易癒如初起便破黑
爛卽是陰疽最重久則足墮落急宜治之否則不能生也
二紫蒲公湯 巫彭真君傳治筋疽癆疽足疽之陽
症者神效

茯苓 三錢

薏仁 一兩

紫花地丁

五錢

牛膝

三錢

蒲公英 五錢

貝母 二錢

紫貝天葵

三錢

當歸

五錢

生甘草 二錢 水煎服初起者三劑即愈

荻薜金銀散 巫彭真君傳治筋疽癩疽足疽之陰

症黑爛者

黃芪 五錢 當歸 五錢 金銀花 一兩 稀荻草 三錢

薊薜 五錢 茯苓 三錢 肉桂 一錢 水煎急服之亦能

生

中庭疽并疽

中庭疽生于乳之中央在臆中之下也并疽生于鳩尾之穴又在中庭之下也二穴皆屬任脈之經任脈乃奇經八

脈之一也任脈發于會陰而二穴又逼近心與包絡此心與包絡之火炎燒而腎水不足以濟之故久而生疽也狀如大豈亟宜內托三四日間若不早治十日必死外發出者易痊內發入者傷膜主死

薜荔散 巫彭真君傳治中庭疽并疽神效

人參 二錢 茯苓 四錢 白朮 十個 蒲公 英 五錢

薜荔藤 一兩 天花粉 三錢 山藥 四錢 黑芝 蘇 三錢

生甘草 二錢 連翹 二錢 水數碗煎一碗服二疽必瀆

急服則易散毒輕者二劑即散重者四劑始散也

合陽疽

合陽疽生于膈內委中之下承筋之上乃合陽之穴也合陽屬足太陽膀胱之經因感濕熱蘊結成毒久而生疽也初宜托裏除濕清熱以發其汗使毒從汗出也若已成形發汗又非所宜當排膿止痛以生新肉也

二金湯熱湯 巫彭真君傳治膈上生疽

金釵石斛

三錢

茯苓

五錢

澤瀉

二錢

白木

二錢

車前子

二錢

牛膝

一錢

金銀花

二兩

黃柏

二錢

生甘草

二錢

貝母

二錢

防已

五分

水散

碗煎一碗空

腹脹數劑愈

洞天奧旨卷之八

山陰陳士鏗教之甫號遠公著一尊孫陳鳳

合稽陶式玉尚自甫號存齋評——玄孫增方湖涸民校——

疥瘡

疥瘡之生膏梁人居其半皆因營衛過滯火毒外發也非獨節候寒溫之失令蕭殺瞬息之違和得之故所生之處無一定之部位其症頗多古今稱名不一孫真人分一十五種李東垣分二十三種申啟玄分三十四種其實華元

化分五種盡之矣五種者分五臟也稱名多者乃象形而名之也名多反無一定治法不若遵元化五疔爲要大凡疔形色赤者心疔也色白者肺疔也色青紫者肝疔也色黃者脾疔也色黑者腎疔也以五色辨五臟以五臟別五疔以五疔分治療又何誤乎雖然各疔之形色病狀亦不可不細晰之也如心疔者俗名火焰疔生于心臟之俞募經井之端或生于唇口手之小指掌中初生一點紅黃小泡抓動癢痛非常左右肢體麻木重則發寒發熱心煩意亂頭暈眼花睡臥不安言語昏憤小便短少面紅口渴舌

上有珠此乃發于心經之病也如肝疔者俗名紫燕疔生于肝臟部位足大指之端脇肋之次筋骨之間初生便作青紫之泡次日破流血水三日後串筋爛骨疼痛苦楚重則眼紅目昧指甲純青寒熱交作頭項皆痛口苦脇疼小便艱澀舌強神昏睡語驚惕此乃發于肝經之病也如脾疔者俗名黃鼓疔生于脾臟之部位或生于口角腮顴眼胞上下及太陽正面之處初生黃泡光亮明潤四邊紅赤纏繞不散或麻或癢癢急便強其症不食寒熱交作重則惡心嘔吐肢體木痛煩悶乾噤此乃發于脾經之病也如

肺疔者俗名白疔又疔生于肺之部位經絡手之大指初生
白泡頂硬根突破流脂水癢痛難熬易腐易陷其疔發熱
咳嗽重則腮損咽焦毛聳肌熱口吐濃痰鼻掀氣急此乃
發于肺經之病也如腎疔者俗名黑疔多生于腎經部
絡或耳竅胸腹腰腎偏僻之間或生于足之小指湧泉等
穴初生黑斑紫泡毒串皮膚漸攻肌肉頑硬如石痛入骨
髓其疔寒熱不常日輕夜重面色黧黑重則手足青紫驚
悸沉困軟陷孔深目睛透露此乃發于腎經之疔也故見
色之黑者卽知爲腎疔治腎而加解毒去火之味見色之

砭亦腎疔也

雄疔其狀施黑四畔仰飽漿起有水出色黃大如錢孔形
項高突亦腎疔也

雌疔其狀稍黃向裡盤亦似灸瘡四面飽漿起心凹色赤
如錢孔之形此脾疔也

火疔其形如湯火燒盪瘡頭黑盤四邊有烟漿又如赤粟
米狀忌灸烙此心疔也

爛疔其形色稍黑有白斑瘡潰流膿有大小如匙面此亦
腎疔也

蛇頭疔又名蛇眼疔其形頭如蛇頭有二目似蛇眼大痛
苦甚多生手足指頭上宜取去其眼系而後上藥亦腎
疔也

盞膚疔其狀如匙面四邊皆赤有黑粟粒忌食鹽此心疔
也

水洗疔其狀如錢形有孔蒼頭白裡黑齧汁出中間硬忌
飲水及水洗此肺疔也

刀瘡疔其狀潤狹如蒼葉大長一寸左側肉黑如燒烙忌
針刺刀割宜藥治之此亦腎疔也

浮漚疥其狀曲圓少許不合長而狹如薤葉大肉黑外黃
黑處刺之不痛黃處則痛此亦腎疥也

牛拘疥其狀肉色炮起相不砂無忌縫不治亦不殺人此
乃脾疥也乃疥之最輕者

豬疥其形圓而小瘡口內有鴻忌食猪肉此肝疥也

牛疥其形圓瘡口內無油炮起相之不破發寒發熱忌食
牛肉此肺疥也

狗疥其形長而帶火色赤發寒熱忌食犬肉此心疥也
羊疥其形長而色白有寒熱忌羊肉此肺疥也

驢馬疥其形三列頂上有黑點根脚赤色凸頂有寒熱忌食驢馬肉此亦腎疥也

瓜藤疥不計其數其形圓長如瓜形因食瓜毒而生忌食瓜亦腎疥也

苣腐疥其狀白皰三日內頂陷因食苣腐內有人汗所生麩筋亦然此肺疥也

氣疥其形或大或小皰白如有氣于內因感怒恚之氣而生忌氣怒此亦肺疥蓋肺中有毒以制肝木也

鬼疥其形亦大小不一色青因中邪毒之氣而生異于諸

疥此氣疥夜甚令人言如見鬼狀此肝疥也

紅絲疥其形縷縷如絲線週身纏擾如手足上則入心卽死宜松鍼刺去血忌食熱物此心疥也

內疥言其疥生于內臟腑上脛裡面喉口內與外疥更不同尤爲利害此五臟之疥也

蒲桃疥其形黑而兼紫如水晶光亮故名之鮑內黑血毒水宜去之此亦腎疥也

楊梅疥其形黑紫如薰梅狀如遍體有梅瘡內存一二疥於則遍身梅瘡皆不發矣潰針刺其毒外泄而梅瘡始

不陷內此亦腎疔也

魚臍疔其形如魚肚臍之狀多生脛膊肚小腿肚上乃手足太陽經分此肺疔也

痘疔有大小之不同出痘之時忽生此小疔則遍身痘瘡皆不起發看其色之何如以分五臟之疔也

蜈蚣疔其形長如蜈蚣亦有頭足發寒發熱雖因食蜈蚣所遊之饌而得之亦火毒在肺之故耳治肺而加解毒去火之味外用雄黃定子或蜈蚣塗之則自安然矣

滿天星疔其形黑浮起如黑豆四畔起赤色今日生一顆

明日生二顆一日增至三十六不再生此亦腎疔也其
毒最橫其疔最凶必湏早治若生至三十六數雖有仙
丹亦無可如何也

以上各疔皆忌房事倘一犯之輕變重重變死矣

拔疔散 岐天師傳統治諸疔

紫花地丁 一兩 甘菊花 一兩 水煎服六劑全愈

慈菇湯 巫彭真君傳統治諸疔神效

山慈菇 二錢 蒼耳子 三錢 當歸 一兩 白芷 二錢

王不留行 三錢 天花粉 三錢 水二碗煎水一碗加酒一

盃再煎共一盃服之必出汗而愈

散疔湯 伯高太師傳治諸樣疔瘡

紫花地丁

一兩連翹三錢

夏枯草

一兩

水煎服一劑卽消

二劑全愈

仙菊飲 巫彭眞君傳治疔瘡疔甚無論各疔治之

皆驗

菊花根葉共用

二兩

生甘草

爲末三錢

將菊花根葉

搗汁

取白布絞汁再用滾水冲在菊花根內仍用布漚

出汁調生甘草末飲之入口卽愈

桑花飲 巫彭真君傳治各疔神效

乾桑葉

五錢

生甘草

三錢

瓜蒌

二錢

當歸

五錢

榆樹皮

二錢

荆芥

二錢

紫花地丁

五錢

水煎汁一碗

飢

服後飲酒微醉卽散

二仙散 管勾傳外治一切疔腫惡瘡

生礬

黃丹

等分

臨時以三稜針刺血待盡傳

之不過三上決愈

山海丹 太倉公傳專治疔瘡惡瘡

海馬

一對酒炙黃

穿山甲

土炒三錢

水銀

一錢

雄黃

三錢

兒茶 三錢 麝香 一分 黃柏 五錢 爲末同水銀再研

不見水銀星爲度遇蒼生處將藥井水調塗卽出

毒神效

秋葉散 岐天師傳治疔毒初起

絲瓜葉 十片 明礬 二錢 雄黃 二錢 先將絲瓜葉搗極爛

取汁調二味藥末以鵝翎敷疔瘡上隨乾隨潤一

日卽消

葱礬丸 衛生寶鑑治各疔腫毒

雪白礬石 取末 葱白 煨熟搗和 當歸 五錢

五錢

成丸用

當歸 五錢

乾菊花

五錢煎湯送丸

五錢卽愈孕婦不可服

掖回散 專治疔毒起死回生

乳香

一錢

生研

膽礬

一錢

生研

兒茶

一錢

冰片

一錢

射香

龍骨

一錢

共爲細末磁器盛之遇疔瘡初起挑破

頭將末入些酒卽解

防丁散 治疔瘡勢不甚橫者卽消

防風

一錢

生甘草

五分

金銀花

一錢

連翹

一錢

紫花地

丁

五分

天花粉

一錢

生地

二錢

玄參

一錢

赤芍

五分

水二碗煎八分溫服

化疔湯

生薺芫

三兩

生甘草

三錢

水煎服一

碗頓服之

三劑全

愈

集簡方

治丁瘡腫毒

端午

採 藜藿草

日乾

爲末 每服半兩熱酒調下汗出卽愈

極有效驗

又方

治疔腫初起

王不留行子

爲末

五錢

麝香

三分

水丸如黍米大每三

丸酒下汗出卽愈

蕤藜散 治一切疥毒

蕤藜子

一升
熬搗

以醋和封頭上拔根載外臺秘要

骨蒸瘡

骨蒸瘡生于神堂二穴或膈關兩俞之穴上也雖穴屬太陽膀胱之經似乎陽經之病然而此瘡不發則已發則未有不癢者也夫瘡之痛乃毒發于陽瘡之癢乃毒發于陰也癢之極陰之極矣骨蒸瘡之癢正患其癢之極也癢極則不可忍必抓搔而少已而無如愈搔而愈癢愈搔而愈癢抓搔不已必至皮肉損破久而抓搔乃見骨矣此瘡

雖是陰虛而生亦生于崇也崇之來也原非無故大約乃
冤家債主耳急爲祈禱庶幾易救但既已祈禱而無神方
治之恐亦難痊也我有僊傳之方不忍秘隱公傳萬世以
教之也

救祟湯 巫彭真君傳治骨蒸陰瘡

人參 五錢 黃芪 一兩 當歸 一兩 金銀花 二兩

茯苓 三錢 貝母 三錢 草烏 一錢 木數碗煎一碗半

飢服數劑卽不瘥而漸愈

骨毒滯瘡

骨毒滯瘡生于兩腿之內箕門之穴也腿上箕門之穴原屬足太陰脾經也脾旺則氣血流通雖有火毒必然易散即或不散而生瘡亦必輕而易愈大約輕者必痛重者必癢如生瘡不痛而發癢必難治也一名腿發十二日可刺如膿黃赤色可治青稀腐臭者不治其瘡赤白色是毒發于骨本是難治之症倘毒發于外十日之內未膿必死

完足湯 巫彭真君傳治骨毒滯瘡

白朮 一兩
當歸 一兩
金銀花 二兩
牛膝 九錢

貝母 三錢
水數碗煎一碗服連服數劑無膿有膿

可以不死

骨痿瘡

骨痿瘡生于兩髌骨之上乃環跳之間也先小後大筋骨俱疼瘡開流水水盡則死如髌相對並有瘡腫者十無一生勿謂瘡不若癰卽可輕視之也此處生瘡左右俱難側卧用大馬屁勃墊睡不令磨着內服補中益氣藥治之

補中益氣湯 祖傳治骨痿瘡生于髀上髌骨間

人參 五錢
白朮 一兩
生黃芪 一兩
當歸 五錢

柴胡 一錢
升麻 五分
陳皮 一錢
生甘草 二錢

半夏 二錢 茯苓 三錢 水煎服數劑愈

加味參芪湯 祖傳治脚腿生疔或忽然腫起一塊
不痛者并治各瘡

黃芪 一兩 人參 五錢 荆芥 三錢 當歸 五錢

天花粉 三錢 附子 三分 生甘草 一錢 牛膝 三錢

金銀花 一兩 水煎服多服自愈

陳肝瘡

陳肝瘡卽蚤疽也生于左右臂上三五處如癩疥腫痛痛
不可忍擦揆難忍如有頭一二七可刺刺之有膿者生刺面

無膿身熱虛硬面赤者二八日便有歸陰者瘥甚者一月後死然大補氣血亦有變死爲生者矣未可信是死症而聽其必死也

加味參芪湯 祖傳治兩臂生陳肝瘡神效

黃芪 一兩 人參 五錢 荆芥 三錢 當歸 五錢

天花粉 三錢 附子 三分 牛膝 三錢 金銀花 一兩

白芍藥 五錢 白朮 五錢 水煎服數劑亦不至死

赤灸瘡

赤灸瘡遍身有赤點子乃手太陰肺經受風熱而生者也

肺主皮毛肺經氣有餘而血不足風熱在肺難于抒泄無血以潤之故留戀于皮毛而不散矣又名赤炎風因肺熱而心火又侵則火以助火血愈耗矣血耗則肺氣更熱此赤點所以更現或有或無久而不愈變爲癩風者有之故治法必須清風退熱而瘡自愈也

潤肺化炎湯 巫彭真君傳治赤炎風瘡

桔梗 三錢

桑白皮 三錢

炙甘草 二錢

黃芩 二錢

玄參 五錢

麥冬 三錢

天門冬 三錢

貝母 二錢

陳皮 五分

生地 三錢

升麻 一錢

水二碗煎八分食

後服數劑自消倘左寸脈旺大乃心火也本方去黃芩換黃連一錢可也亦服數劑自愈

血亂瘡

血亂瘡生脇肋淵腋之間也此處本是足少陽膽經所屬膽經屬木木氣若舒何至生此瘡乎膽木之氣不舒則木難據泄多生此瘡論理婦女鬱多男子鬱少男之鬱易解女之鬱難開故男生此瘡易于散女生此瘡難于瘡往往有結成痲癭數年不化忽至腫突崩潰流黑水而死矣所以此瘡必湏將憂愁頓釋後服藥餌爲妙蓋瘡雖成于膽

經之鬱然臆鬱則肝亦鬱矣肝膽同鬱則肝膽同病也夫
肝之氣最宜通達而不宜閉塞肝氣閉塞則肝血必至騰
越腫突崩潰非氣之通達乃血之潰壞也是以治此瘡必
當先用舒臆舒肝之藥而佐之生血生氣之品則肝膽相
宜而鬱結自散瘡亦愈矣苟不知治法而妄用敗毒之劑
則瘡必現于肉中隱然作痛或忽長大至胸發于期門而
成腋癰矣可不慎哉

解鬱散毒湯 巫彭真君傳治血亂瘡腋癰神效

白芍 四錢

白芥子

三錢

香附

二錢

鬱金

二錢

柴胡

一錢五分

茯苓

二錢

蒲公英

三錢

陳皮

五分

生甘草

一錢

白礬

一錢

當歸

三錢

野菊花根

二錢

薏苡仁

三錢

乳香末

一錢

水數碗煎一碗連服八劑自

化如已潰者本方倍加當歸少加附子二分去鬱

金野菊花白礬加黃芪

三錢

白朮

五錢

多服自愈

天炮瘡

天炮瘡生于頭面遍身手足之間乃毒結于皮毛而不入于營衛論理尚輕然治之不得法疼痛難忍不啻如火烙炎燒矣此瘡乃肺氣虛而火毒結于肺本是暑熱濕蒸之

氣因肺氣虛而犯之也其症燎漿白皴皮破赤沾小兒生于夏日居多故治法必須用解暑散火之藥然單散火而不補肺則火不能去而氣益虛瘡難速愈矣補氣而佐之解暑則火毒自消而瘡亦易愈外用絲瓜葉搗爛調定粉敷之尤易奏功也

香薷補氣飲 內治天胞瘡

香薷 一錢

天花粉 一錢

生黃芪 一錢

白朮 二錢

炙甘草 一錢

黃芩 一錢

茯苓 二錢

人參 五分

厚朴 五分

麥冬 二錢

陳皮 三分

桔梗 一錢

水煎服

數劑愈

定粉散

定粉

五錢火
煨爲末

絲瓜葉

搗汁半
茶鍾

輕粉

五分
爲末

雄黃

三錢

將定粉雄黃輕粉共研細末將絲汁調

搽瘡上卽效應如嚮

仙爐脂 治小兒天施瘡

香爐蓋上烟脂

三錢

黃連

二錢

青黛

二錢

冰片

二分
各

爲細末鷄子清調或猪汁調敷甚妙

療癰瘡

療癰之病甚多名狀不一大約得病有九一因怒而得一
因鬱而得一因食鼠食之物而得一因食螻蛄蟻蝻所傷
之物而得一因食蜂蜜之物而得一因食蜈蚣所遊之物
而得一因大喜飽殮果品而得一因縱慾傷腎飽殮血物
而得一因驚恐失枕氣不順而得初生之時每現于項腋
之間或牽蔓于胸脇之處其形之大小宛如梅核或動或
靜或長或圓或連或斷及至潰爛或流水流膿流血之各
異未破之先易于醫療已破之後難于收功蓋未破雖虛
而不至于五臟之損已潰漸虧而難救夫七臟之傷故必

須補其虛而救其傷始爲妙法也然病雖有九而治法止有三也其一治在肝膽其二治在脾胃其三治在心腎治肝膽者其左關之脈必濇而右關之脈必滑者也蓋肝膽之鬱不開必下尅脾胃之土土氣受制難化水穀必至生痰以助結而癰癥不化矣治其肝膽而消化其痰涎則癰癥易化矣治脾胃者其右關之脈必浮而無力或滑而有方也明是脾胃之中無非痰氣之昇騰土氣之蕭索不健脾則痰不能消不健胃則涎不能化痰涎日盛癰癥難開何能治乎故必大補脾胃以消化痰涎然後佐之敗毒之

味則病去如掃矣治心腎者切其左寸之脈必滑右尺之脈必瀉者也明是心腎兩開不能既濟而肝膽脾胃各不相應故痰壅不消瘰串更甚補其心腎則陰陽和合而少佐之去毒破堅之味則取效益速矣倘不明三治之法而妄用刀針愈虧其根本安得濟事乎必至與死爲隣不重可惜哉

開鬱散 巫彭真君傳治肝膽鬱結之瘰癧神效

白芍 五錢 當歸 二錢 白芥子 三錢 柴胡 一錢

炙甘草 八分 全蝎 三個 白朮 三錢 茯苓 三錢

鬱金 二錢
蒼朮 三錢
天葵草 三錢
水煎服 通服十日

自愈

培土化毒丹 巫彭真君傳治脾胃多痰濕滯難消

治之神效

人參 二兩
白朮 十兩
茯苓 六兩
炙甘草 一兩

紫蘇 八錢
半夏 二兩
殭蠶 二兩
陳皮 六錢

白芷 七錢
木通 一兩
金銀花 十兩
天花粉 三兩
各爲末

蜜爲丸飯後吞服三錢早晚各一服一料全愈然

必須斷色慾三月

神龜散 巫彭真君傳治心腎不交癩瘡久不愈者

神效

大龜

二個一雌一雄

遠志

一兩

麥冬

三兩

山茱萸

四兩

肉桂

一兩

白朮

炒五兩

蒼朮

二兩

熟地

十兩

玄參

十兩

茯神

四兩

何首烏

十兩

桑椹

四兩

紫花地丁

四兩

夏枯草

五兩

各爲細末將大龜飯鍋蒸

熟火焙乾爲粉同用蜜爲丸每日早晚白滾水各

于飯後送吞三錢一料必全愈

治癩癧腫硬疼痛久不瘥

猪頭蹄骨

一具酥炙黃爲末

昆布

一兩五錢

海藻

一兩五錢二味酒洗去鹽

水曬

連翹

一兩

黃芩

一兩

金銀花

一兩

川山甲

一兩

皂角

五錢

枳殼

一兩

香附

一兩用醋煮乾

爲細

末將玄參

煎膏

爲丸如桐子大每服七八十九一

日三服以

薑汁

三匙調入好酒下能收全功

消愁破結釀

岐天師傳治癩癧

殭蠶

少五錢

全蝎

五個不去頭尾足

白芷

一兩

白芥子

炒一兩

白朮

上炒二兩

附子

二分

紫貝天葵根

八兩

先將前六味各

爲末將天葵

煮汁

一碗同入在黃酒內用酒二十

斤煮三炷香三日後日服三杯以面紅爲妙

樟腦丹 活法機要治癰瘡潰爛牽至胸前兩腋塊

如茄子大或牽至兩肩上四五年不能療者皆治之
其效如神

樟腦 三錢

雄黃

三錢
爲末

先用荊芥根下一段

剪碎煎
沸湯

溫洗良久看爛破處紫黑以鍼一刺去血再洗三
四次然後用樟腦雄黃末麻油調搽上出水次日
再洗再搽以愈爲度專忌酒色

葛真君湯 治癩癧載在末卷十五卷內

內外膿瘡

膿瘡有內外之殊內膿屬足厥陰肝經之部位外膿屬足陽明胃經之部位也似乎外膿輕于內膿以胃爲多氣多血之腑以肝爲多血少氣之腑耳然而膿瘡雖分內外而臟腑無濕毒則左右內外俱不生也惟是膿瘡自感濕氣因而生瘡者居多但亦有因打撲抓磕或遇毒蟲惡犬咬破損傷遂至成瘡苟非覺肝原有濕毒未必日久而不愈也故治法活血以去濕未必骨腐無如世人不知禁忌久占房事以致皮黑肉爛臭穢難當若夫婦人女子經期血

散亦往往肉黑肌壞故經年累月而不愈也所以男婦苟生內外膿瘡必當節慾慎房始易奏功耳內用補中解毒之劑外用隔紙神膏貼之不須數個便可速愈矣

補中益氣加味散 祖傳治內外膿瘡神效

人參 二錢 白朮 三錢 茯苓 三錢 生甘草 一錢

當歸 三錢 生黃芪 三錢 金銀花 五錢 陳皮 五分

柴胡 一錢 升麻 五分 半夏 一錢 水煎服連用四劑

外用葱 二條 將瘡口洗淨之後再用水同煎藥渣

煎好洗瘡日一次日川隔紙膏貼一個日日如此

不過數個全愈然必須絕慾一月不再發

疔瘡膏藥 治內外癰瘡

隔紙膏

杏霜丹

斂瘡丹

俱載在十五卷

治一切癰瘡膏方將膏藥用溫水浸捏成爲并如
瘡口大用帶扎緊不可行走一晝一夜如前換之

黃蠟

二兩五錢

陳松香

一兩水

人參 六分

銅青 五錢
赤石脂 五錢
黃連 一錢
紅花 三錢

錢五分

飛礬 一錢

五分 龍骨 五錢

研末

先將黃蠟松香煎熟後將前

藥研末齊下不住手攪以滴水成珠就好如若太老再加麻油少許一煎可用要忌鵝糟發物

人面瘡

人面瘡非生膝上卽生于肘上也瘡形頗象人面重者有口有鼻有眼多是鬼物憑之然口鼻眼雖具多不能言未嘗不能動也動者狀似愁苦口中與之以肉食則實能化古人謂其能食信不誣也有一種口眼皆不能動似非鬼

物憑之但既非鬼物何瘡中生有口眼乎不知人面之瘡原有生死二種生者能食能動死者則不能動不能食也其實二種皆有祟也非天譴之罰卽冤孽自到耳必須省察禱謝而後用藥治之始能愈也

輕雷丸 岐伯天師傳治生死人面瘡神效

雷丸 三錢 輕粉 一錢 白茯苓 一錢 各爲絕細末研勻

敷上卽消蓋雷丸最能去毒而逐邪輕粉深入骨髓邪將何隱茯苓不過去其水濕之氣共成奇功耳倘更加懺悔祈禱尤爲善後之福也

血風瘡

血風瘡多生在兩腿裡外之膝上至膝下至踝骨前人謂是血受風邪而生也誰知皆好飲之徒過飲于酒以至濕滯于下腿而不散血氣一衰而瘡漸生矣其瘡初生之時必小小而癢久則大癢非手抓搔則癢不可止然過于抓搔則肌皮必傷而縱飲如故則癢又加甚皮破難于收酒濕難于散爛皮膚肉終無已日久之而肉中帶濕則必生蟲蟲多則更癢矣治之法必須斷酒然後用內藥補其氣血而兼消風濕外用膏藥敷貼則水去蟲死自愈

補氣分濕湯 巫彭真君傳治血風瘡

白朮 五錢 茯苓 三錢 當歸 五錢 黃芪 一兩

柞木枝 五錢 薏仁 五錢 生甘草 二錢 菴藪 二錢

肉桂 一錢 紅花 一錢 澤瀉 二錢 水煎服多服為妙

外用十神膏貼之

十神膏 治血風瘡

蚯蚓糞 一兩 血竭 三錢 馬齒莧 一兩 黃柏 五錢

輕粉 一錢 烏相根 三錢 銀硃 四錢 胡粉 三錢

潮腦 二錢 麝香 三分 各為末同猪油調為膏貼在

油紙上照瘡之大小貼之另用布包好縛定聽其
出水速用數個則水乾矣換膏藥時用金銀花一
煎湯溫洗瘡口再另貼此膏若無水流出不必頻
換再用數個必然奏功然不飲酒不必爲彼
治之也

洞天奧旨卷之八終